

20131483540

LIGJ
PËR NDRYSHIMIN DHE PLOTËSIMIN E LIGJIT PËR THEMELIMIN E
KOMISIONIT SHTETËROR PËR VENDIMMARRJE NË PROCEDURË
ADMINISTRATIVE DHE PROCEDURË TË MARRËDHËNIES SË PUNËS NË
SHKALLË TË DYTË

Neni 1

Në Ligjin për themelimin e Komisionit Shtetëror për Vendimmarrje në Procedurë Administrative dhe Procedurë të Marrëdhënies së Punës në Shkallë të Dytë ("Gazeta Zyrtare e Republikës së Maqedonisë" numër 51/11), në nenin 1 pas paragrafit (1) shtohet paragraf i ri (2), si vijon:

"(2) Komisioni Shtetëror është kompetent për vendimmarrje ndaj ankesave kundër aktvendimeve të marra në shkallë të parë në procedurë të mbikëqyrjes inspektuese."

Paragrafi (2) dhe (3) bëhen paragrafë (3) dhe (4).

Në paragrafin (4) i cili bëhet paragrafi (5) pas fjalëve: "dhe organe tjera shtetërore" shtohen fjalët: "si dhe ndaj ankesave kundër aktvendimeve të marra në shkallë të parë në procedurë të mbikëqyrjes inspektuese".

Neni 2

Në nenin 2 paragrafi (2) në fjalinë e parë pika zëvendësohet me presje dhe shtohen fjalët: "me të cilin udhëheq Sekretari i Përgjithshëm."

Neni 3

Në nenin 3 paragrafi (1) fjala "gjashtë" zëvendësohet me fjalën "dhjetë".

Neni 4

Në nenin 8 paragrafi (2) fjala "pesë" zëvendësohet me fjalën "shtatë".

Neni 5

Pas nenit 8 shtohet neni i ri 8-a, si vijon:

"Neni 8-a

(1) Komisioni Shtetëror mund të kërkojë nga Këshilli Inspektues të lëshojë urdhëresë për mbikëqyrje inspektuese mbi punën e subjektit të caktuar të mbikëqyrjes te drejtori i inspektoratit, respektivisht personi zyrtar udhëheqës i shërbimit inspektues, kur kjo nevojitet për përcaktimin e tërësishëm të gjendjes faktike.

(2) Këshilli Inspektues është i obliguar që ta lëshojë urdhëresën nga paragrafi (1) i këtij neni në afat prej tri ditësh nga dita e pranimit të kërkesës."

Neni 6

Në nenin 10 paragrafi (1) pas fjalëve: "paragrafi 1" shtohen fjalët: "dhe paragrafi 2".

Neni 7

Procedurat e filluara ndaj ankesave kundër aktvendimeve të inspektorëve para komisioneve në organet e administratës shtetërore, organet tjera shtetërore dhe njësitë e vetëqeverisjes lokale dhe qytetit të Shkupit deri në fillimin e zbatimit të këtij ligji, do të përfundohen nga komisionet në afat prej gjashtë muajsh nga dita e hyrjes në fuqi të këtij ligji.

Zgjidhja e lëndëve të filluara para ditës së fillimit me zbatim të këtij ligji për të cilat është ngritur kontest administrativ, do të vazhdojë në përputhje me dispozitat e këtij ligji.

Ligjet me të cilat është përcaktuar e drejta e ankesës kundër aktvendimeve të inspektorëve para komisioneve në organet e administratës shtetërore, organet tjera shtetërore dhe njësitë e vetëqeverisjes lokale dhe qytetit të Shkupit, do të harmonizohen me dispozitat e këtij ligji deri në ditën e fillimit të zbatimit të këtij ligji.

Neni 8

Ky ligj hyn në fuqi ditën e tetë nga dita e botimit në "Gazetën Zyrtare të Republikës së Maqedonisë", e do të fillojë të zbatohet gjashtë muaj nga dita e hyrjes në fuqi.